

آبونه سرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدور .
ممالك اجنبیه ده سنه لکی (۱۷)، آلتی
آیلغی (۹) فراقتدر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الکتاب

۱۳۳۰

دینی، فلسفی، علمی، ادبی هفته ای مجموعه اسلامیه در .

صاحب و مدیر

سر محرر

ع . اشرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۰۹

۱۱ شوال ۱۳۳۲

پنجشنبه

۲۰ اغستوس ۱۳۳۰

جلد ۱۲

اسلامك باش قالدیره جنی زمان کلدی

تصویر افکار و فیغمزك باش مقاله سندن :

« اوروپانك آلتی اوسننه کتیرمکده اولان عمومی حربك تاثیرى يالکز اوروپایه منجس دکلدر. بوحرب، يك اوزون سنه لردن بری جنبرلر ایچنده صیقیشد ب قالان اسلام نظرند الهی بر عدالتك تجاییسی در. بو عالی تجلی اوکنده اسلامکده آرتق باشی قالدیره جنی: « بنده انسام، بنده موجودیم و بناء علیه بنده موقع وارد در » دییه جکی صهرلر کلدی. دنیایی بری برینه قاتان بو هرج و مرجك بویوک نتیجه لرندن بری ده هیچ شبه یوق که بو یولده ظهور ایدهرک یاواش یاواش کوزلری قاشدیره جق قدر یوکسله جک اولان تجلیلر تشکیل ایده جکدر. »

فرانسه مدنییتی مدافعلرینك محجوبیتی

حت اسارتلارنده ایکه یین میلیونلرجه مسلمانك یکانه استنادکاهی اولان مقام خلافت عظمیانك محافظه حیثیت و تأمین استقلال اوغورنده کی فدا کارلقلرینه، تشبثانه قارشی پرغضب فوران ایدن، مجاهدین محترمه مزه آغزه آلمایه جق سوزلر سویلکدن چکنمه یین فرانسلرک بومناسبتسز حرنی کتترلندن منفعل اولان « طنین » رفیقمز دیار اسلامیه ده فرانسلر مدنیته نشر و مدافعه ایدنلرک قلابرینه ترجان اوله رق دیورکه: « .. دشمنلرینه قارشی بیله قوللاندی بی مستحقانی بزم حمزه هیچده اسیرکه میهرک ابدال ایتمی، امین اولسونکه، بومملکتده فرانسلر مدنییتی هرشیته قارشی مدافعه ایتک ایسته ییلری بویوک محجوبیتلره اوغراتان بر حادثه و بدایت حربدن بری فرانسلر قارشی توجهمدن باشقه برشی کوسترمه مش اولان تورک مطبوعاتی ایچونده آجی بر درسدیر. »

ائتلاف مثلك غالییتی عالم اسلام ایچون فلاکت در

بودایشته دن « نویه فرایه بره سه » غزته سنه اشعار ایدیایور :

قوت (آندراشی)، (مجار هیرلاپ) غزته سنه حکومت عثمانیه نك وضعیتی حقنده نشر ایله یکی بر مقاله ده دیورکه: « حکومت عثمانیه نك موقعی بزم طرفزده در. حکومت مشارالها ایله اوروپای وسطی حکومتلری آره سنده بر اشتراك منافع موجود در. بو اشتراك منافع مذکور حکومتلرک مشترکاً حرکت ایتلرخی استلزام ایلکده در. بزم مظفریتز حکومت عثمانیه ایچون تهانکلی اوله ماز. بزم مظفر اولورسه ق حکومت عثمانیه ایله هم حدود اولیان ایکی حکومتك قوتلری تراید ایتش اوله جقدر. روسیه، اسلاملرک دائمی بر دشمنیدر. انکلتزه، اولجه حکومت عثمانیه یی حمایه ایدیوردی. فقط قرال ادواردك مرقع اقتداره کچدیکی زماندبری انکلتزه نك حکومت عثمانیه یه قارشی اولان بو وضعیتی دکیشدی. مصر و هندستانك حاکی اولان انکلتزه بو ایکی قطعه یی عربستان ایله برلشدیرمک ایلنده در. انکلتزه بوتصورینه موفق اولورسه نتیجه

عالم اسلام ایچون يك وخیم اولور. شوخالده قاب اراضیسندن مصره وقاهره دن هندستانه قدر امتدان ایدن مملکتلر انکلتزه نك ید حاکیته کچمش بولنه جقدر. حکومت عثمانیه ایسه شمعی به قدر بوتله کدن یالکز ایکی هیئت دوله آره سنده موجود رقابت ایله قورتوله بیلمشدر. حالبوکه یالکز رقابتدن استفاده اساسنه مستند بر یولقیه نك بقاسی قابل اوله ماز. آنجی وسطی اوروپا حکومتلرینك روسیه و انکلتزه اوزرینه غالبیتلری حکومت عثمانیه نك حقیقی استقلالنی تأمین ایدمه بیلیر. بزم منافعز حکومت عثمانیه نك حقیقی صورتده کسب قوت ایتمسنی استلزام ایلکده در. روسیه نك، کندیسندن مرور زمان ایله ضبط ایتدیکی اراضی یی استرداد ایده جک اولان قوتلی بر حکومت عثمانیه اوروپای وسطی موازنه سنك تأسیسه خادم اوله جقدر. حکومت عثمانیه ائتلاف مثله داخل اوله جق اولورسه موقع و وضعیتی محافظه و مدافعه ایدمه ضرر. فقط آلمانیا و اوستریانك مظفریتی حکومت عثمانیه یه بحرسیا هدن قافقاسیه و مجرا حمزه قدر حکم ایتدیره بیله جکدر. حکومت عثمانیه، رومانی و بلغارستان ایله اتفاق ایدمه بیلدیکی تقدیرده استابل ایچون شمعی به قدر هیچ بر زمان وجوده کتیرله مش اولان متین بر قلمه یه مالک اوله جقدر. بالاده ویریان ایضاحات حکومت عثمانیه نك منفعتی آوستریا و مجارستان طرفنده اولدیغنی واضحاً اراشه ایتکده در. »

شیون

دارالخلافه :

هر بره نظرانلرک مسلمانلرک شاره و شرکتنی یوکسله نك تشبثاتی — اسلامیتك تعالی شان و شوکتی و عثمانلیانك تأمین سلامت وسطوتی امنیه سنه معطوفاً حربیه نظارتندن تنظیم ارنوب صورتی زیرده محرر بولنان ماده دائر خلقه تشویقات و ترغیبات لازمه ده بولنلمسی خصوصی تعمیماً مقام مشیخته جه ایجاب ایدنلره تبلیغ قلمشدر :

« خلقك تربیه بدنییه اهمیت ویره رک چویک، قوی، هر درلو مشکلات و مزاحمی ماده و معنأ اقتحامه مقتدر اولمسی لازمدر. آته بینمه نك، آت بسله مهنك فوائد دینی، ماده و معنویه سنی ایضاح ایتک، اسکی عثمانیلرک آت مراقلرخی تفصیل ایله مک. »

ای قلنچ، رولور و تفنك قوللانمغه وایی نشان آتمه اهمیت ویرمک. بالاده کی خواص و مزایای مردانه یی اکتساب و تنیه ایچون، جنکاور اولاد وطن یتشدیرمک ایچون تأسیس اولنان عثمانلی کوچی درنکارینه انتساب ایدلمسی و یکیدن يك چوق درنکار تشکیل اولونماسی خصوصنه تشویق ایتک.

سفربرك اعلان اولندیغنی زمان مکلفیت عسکریه داخنده بولونان هر فردك دعوت اولونسون، اولوناسون و امر آلسون، آلماسون همه حال سرعت ممکنه ایله اک یقین ویا منسوب اولدیغنی دائره عسکریه یه مراجعت ایدهرک وظیفه دینی و وطنیه سنی ایفایه شتاب ایله مسی لزومی ایضاح ایتک، سفربرلکده هرکس نه قدر چابوق مراجعت ایدر و وظیفه سی باشنده بولونورسه حربه او نسیته ایرکن حاضر